

Broj: 1-25-16-4-513-12/18
Mostar, 20.04.2018. godine

Na osnovu člana 17. Zakona o Agenciji za pružanje usluga u zračnoj plovidbi BiH ("Službeni glasnik BiH", broj 43/09), člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj 39/14), člana 20. i člana 24. Statuta Agencije za pružanje usluga u zračnoj plovidbi BiH ("Službeni glasnik BiH", broj 63/10) i Preporuke Komisije za javnu nabavku broj: 1-25-16-4-513-11/18 od 10.04.2018. godine u postupku javne nabavke roba obnove podrške i licenci za postojeće implementirane sisteme u administrativnoj mreži Agencije za pružanje usluga u vazdušnoj plovidbi BiH, direktor Agencije za pružanje usluga u zračnoj plovidbi Bosne i Hercegovine, na osnovu zaključka sa 66. sjednice Uprave BHANSA-e održane dana 18.04.2018. godine, donosi

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za javne nabavke broj: 1-25-16-4-513-11/18 od 10.04.2018. godine i ugovor za javnu nabavku roba obnove podrške i licenci za postojeće implementirane sisteme u administrativnoj mreži Agencije za pružanje usluga u vazdušnoj plovidbi BiH u iznosu od **85.389,80 KM bez PDV-a** dodjeljuje se ponuđaču **TeleGroup d.o.o. Banja Luka**.

Član 2.

Ova odluka objavit će se na web-stranici www.bhansa.gov.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: : 1-11-16-4-513-1/18 od 28.02.2018. godine.

Javna nabavka je provedena putem otvorenog postupka.
Procijenjena vrijednost javne nabavke bez PDV-a je 85.500,00 KM.

Obavještenje o nabavci objavljeno je na Portalu javnih nabavki sa tenderskom dokumentacijom broj: 1250-1-1-43-3-27/18 dana 23.03.2018.godine. Sažetak Obavještenja o nabavci objavljen je u „Službenom glasniku BiH“, broj 20/18.

U tenderskoj dokumentaciji, kao i obavještenju o nabavci je bilo predviđeno provođenje e-aukcije.

Do krajnjeg roka za preuzimanje tenderske dokumentacije istu su zatražili sljedeći dobavljači:

1. PROINTER ITSS doo
2. ekipija doo
3. JAVNO PREDUZEĆE HRVATSKE TELEKOMUNIKACIJE DD
4. INSTRUMENTS
5. BBS Europe
6. TeleGroup d.o.o. Banja Luka
7. R&S D.O.O. SARAJEVO
8. Logit d.o.o.
9. TeleNet d.o.o. Sarajevo
10. IMTEC D.O.O. SARAJEVO
11. EMERGING MARKETS CONSULTANTS D.O.O.
12. Awos tenders
13. Lanaco doo
14. ZT Tehnozaštita doo
15. MIBO KOMUNIKACIJE DOO
16. ATIA doo Sarajevo

Prije nego što se Komisija upustila u analiziranje ponuda utvrđeno je da nije bilo traženih pojašnjenja na tendersku dokumentaciju niti žalbi na tendersku dokumentaciju.

Komisija za javnu nabavku je konstatovala da je u predviđenom roku, u propisno zapakovanoj koverti pristigla ponuda dobavljača, i to kako slijedi:

1. TeleGroup d.o.o. Banja Luka

Ponuda ponuđača TELEGROUP DOO, Marije Bursać 8, 78 000 Banja Luka sadrži sve dokumente tražene tenderskom dokumentacijom i ispunjava sve uslove za kvalifikaciju iz tenderske dokumentacije. Ponuda sadrži i sve dokumente uz izjavu iz tačke 8. tenderske dokumentacije, te iste nije potrebno naknadno dostavljati.

Analizom je utvrđeno da ponuda nema računskih grešaka.

Vrijednost dostavljene ponude iznosi 85.389,80 KM bez PDV-a, a 99.906,06 KM sa PDV-om.

E-aukcija nije provedena, s obzirom da je pristigla samo jedna prihvatljiva ponuda, a Pravilnikom o uslovima i načinu korištenja e-aukcije („Službenom glasniku BiH“, broj 66/16) je propisano da u slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona o javnim nabavkama.

Komisija za javnu nabavku dostavila je Upravi Agencije Zapisnik o pregledu i ocjeni ponuda broj: 1-25-16-4-513-9/18 od 10.04.2018.godine, Izvještaj o radu komisije broj: 1-25-16-4-513-10/18 od 10.04.2018.godine, Preporuku o izboru najpovoljnijeg ponuđača broj: 11-25-16-4-513-11/18 od 10.04.2018.godine i prijedlog Odluke o izboru najpovoljnijeg ponuđača.

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno kriterijima iz Tenderske dokumentacije.

U postupku ocjene provedenog postupka, Uprava Agencije nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Najpovoljniji ponuđač za nabavku roba obnove podrške i licenci za postojeće implementirane sisteme u administrativnoj mreži Agencije za pružanje usluga u vazdušnoj plovidbi BiH je ponuđač TeleGroup d.o.o. Banja Luka.

Iz navedenih razloga, a primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.



DIREKTOR
Davorin Primorac
D. Primorac

Dostaviti:

1. TeleGroup d.o.o. Banja Luka, Marije Bursać br.8, 78000 Banja Luka, fax (051) 321-008
2. a/a.